

**2020 Rhif 1377 (Cy. 304)**

**TRAFFIG FFYRDD, CYMRU**

**Gorchymyn Cefnffyrdd yr A487 a'r  
A40 (Abergwaun, Sir Benfro)  
(Gwahardd Aros, Llwytho a  
Dadlwytho) 2020**

*Gwnaed* 24 Tachwedd 2020

*Yn dod i rym* 26 Tachwedd 2020

Mae Gweinidogion Cymru, sef yr awdurdod traffig ar gyfer Cefnffyrdd yr A487 a'r A40, drwy arfer y pwerau a roddir iddynt gan adrannau 1(1), 2(1), 2(2) a 124 o Ddeddf Rheoleiddio Traffig Ffyrdd 1984(1), a pharagraff 27 o Atodlen 9 iddi, ar ôl rhoi hysbysiad cyhoeddus o'u bwriad i wneud hynny ac ar ôl ymgynghori â Phrif Swyddog Heddlu Dyfed-Powys, yn gwneud y Gorchymyn hwn.

**Enwi, Cychwyn a Dehongli**

1. Enw'r Gorchymyn hwn yw Gorchymyn Cefnffyrdd yr A487 a'r A40 (Abergwaun, Sir Benfro) (Gwahardd Aros, Llwytho a Dadlwytho) 2020 a daw i rym ar 26 Tachwedd 2020.

2. Yn y Gorchymyn hwn—

ystyr “cefnffordd yr A40” (“*the A40 trunk road*”) yw cefnffordd yr A40 Llundain i Abergwaun;

ystyr “cefnffordd yr A487” (“*the A487 trunk road*”) yw cefnffordd yr A487 Abergwaun i Fangor; ac

---

(1) 1984 p. 27; diwygiwyd adrannau 1(1), 2(1) a (2) gan adran 168 o Ddeddf Ffyrdd Newydd a Gwaith Stryd 1991 (p. 22) a pharagraffau 17 a 18 o Atodlen 8 iddi, a diwygiwyd adran 1(1) gan baragraff 36(1) o Atodlen 22 i Ddeddf yr Amgylchedd 1995 (p. 25). Yn rhinwedd O.S. 1999/672, ac adran 162 o Ddeddf Llywodraeth Cymru 2006 (p. 32), a pharagraff 30 o Atodlen 11 iddi, mae'r pwerau hyn yn arferadwy bellach gan Weinidogion Cymru o ran Cymru.

ystyr “ffordd gyswllt yr A487” (“*the A487 link road*”) yw ffordd gyswllt yr A487 (Heol Fawr A40 i’r Wesh A487), Abergwaun.

### **Gwahardd aros ar unrhyw adeg**

3. Ac eithrio fel a ddarperir yn erthygl 5(1), ni chaiff neb beri na chaniatáu i unrhyw gerbyd aros ar ochrau’r darnau o’r cefnffyrdd a bennir yn Atodlen 1 i’r Gorchymyn hwn ar unrhyw adeg.

### **Gwahardd llwytho a dadlwytho ar unrhyw adeg**

4. Ac eithrio fel a ddarperir yn erthygl 5(2), ni chaiff neb beri na chaniatáu i unrhyw gerbyd llwytho neu ddadlwytho ar ochrau’r darnau o’r cefnffyrdd a bennir yn Atodlen 2 i’r Gorchymyn hwn ar unrhyw adeg.

### **Esemptiadau**

5.(1) Caiff unrhyw berson beri neu ganiatáu i unrhyw gerbyd aros ar ochrau’r darnau o’r cefnffyrdd a bennir yn Atodlen 1 i’r Gorchymyn hwn cyhyd ag sy’n angenrheidiol i alluogi—

- (a) nwyddau i gael eu llwytho ar gerbyd neu eu dadlwytho ohono;
- (b) y cerbyd i gael ei ddefnyddio mewn cysylltiad ag unrhyw un neu ragor o’r gweithrediadau a ganlyn:
  - (i) gwaith adeiladu, gwaith diwydiannol neu waith dymchwel;
  - (ii) symud unrhyw rwystr i draffig;
  - (iii) cynnal a chadw, gwella neu ailadeiladu’r darnau hynny o’r gefnffordd; neu
  - (iv) gosod, codi, addasu neu atgyweirio, yn y darnau hynny o’r gefnffordd, neu mewn tir cyfagos, unrhyw garthffos neu unrhyw brif bibell, unrhyw bibell neu unrhyw gyfarpar ar gyfer cyflenwi nwy, dŵr neu drydan neu unrhyw gyfarpar cyfathrebu electronig fel y’i diffinnir ym mharagraff 5 o Atodlen 3A i Ddeddf Cyfathrebiadau 2003(2);
- (c) y cerbyd i gael ei ddefnyddio yng ngwasanaeth awdurdod lleol neu awdurdod dŵr yn unol â swyddogaethau statudol;
- (d) y cerbyd i gymryd petrol, olew, dŵr neu aer o unrhyw garej sydd ar y darnau o’r gefnffordd ()neu’n gyfagos iddo;

---

(2) 2003 p. 21. Mewnosodwyd Atodlen 3A gan baragraff 1 o Atodlen 1 i Ddeddf yr Economi Ddigidol 2017 (p. 30).

- (e) y cerbyd i gael ei ddefnyddio at ddibenion y frigâd dân, y gwasanaeth ambiwlans neu'r heddlu; neu
- (f) y cerbyd i stopio pan fo'r person sydd â rheolaeth arno'n gwneud y canlynol:
  - (i) pan fydd yn ofynnol yn ôl y gyfraith iddo stopio;
  - (ii) pan fydd yn gorfod stopio er mwyn osgoi damwain;
  - (iii) pan gaiff ei rwystro rhag mynd yn ei flaen; neu
  - (iv) pan fo'n gweithredu yn ôl cyfarwyddyd neu â chaniatâd cwnstabl heddlu, swyddog cymorth cymunedol yr heddlu neu swyddog gorfodi sifil.

(2) Caiff person beri neu ganiatáu i gerbyd aros ar ochrau'r darnau o'r cefnffyrdd a bennir yn Atodlen 2 i'r Gorchymyn hwn cyhyd ag sy'n angenrheidiol i alluogi—

- (a) person i fynd i mewn i gerbyd, neu i ddod allan ohono;
- (b) y cerbyd i gael ei ddefnyddio mewn cysylltiad ag unrhyw un neu ragor o'r gweithrediadau a ganlyn:
  - (i) gwaith adeiladu, gwaith diwydiannol neu waith dymchwel;
  - (ii) symud unrhyw rwystr i draffig;
  - (iii) cynnal a chadw, gwella neu ailadeiladu'r darnau hynny o'r gefnffordd; neu
  - (iv) gosod, codi, addasu neu atgyweirio, yn y darnau hynny o'r gefnffordd, neu mewn tir cyfagos, unrhyw garthffos neu unrhyw brif bibell, unrhyw bibell neu unrhyw gyfarpar ar gyfer cyflenwi nwy, dŵr neu drydan neu unrhyw gyfarpar cyfathrebu electronig fel y'i diffinnir ym mharagraff 5 o Atodlen 3A i Ddeddf Cyfathrebiadau 2003;
- (c) y cerbyd i gael ei ddefnyddio yng ngwasanaeth awdurdod lleol neu awdurdod dŵr yn unol â swyddogaethau statudol;
- (d) y cerbyd i gymryd petrol, olew, dŵr neu aer o unrhyw garej sydd ar y darnau o'r gefnffordd neu'n gyfagos iddo;
- (e) y cerbyd i gael ei ddefnyddio at ddibenion y frigâd dân, y gwasanaeth ambiwlans neu'r heddlu; neu
- (f) y cerbyd i stopio pan fo'r person sydd â rheolaeth arno'n gwneud y canlynol:
  - (i) pan fydd yn ofynnol yn ôl y gyfraith iddo stopio;

- (ii) pan fydd yn gorfod stopio er mwyn osgoi damwain;
- (iii) pan gaiff ei rwystro rhag mynd yn ei flaen; neu
- (iv) pan fo'n gweithredu yn ôl cyfarwyddyd neu â chaniatâd cwnstabl heddlu, swyddog cymorth cymunedol yr heddlu neu swyddog gorfodi sifil.

### **Dirymiadau**

6. Mae Gorchymyn Cefnffordd (Amryw o Strydoedd, Abergwaun) (Gwahardd a Chyfyngu ar Aros) 1965(3), Gorchymyn Cefnffordd (Amryw o Strydoedd, Abergwaun) (Gwahardd a Chyfyngu ar Aros) (Diwygio) 1967(4) a Gorchymyn Cefnffordd (Heol Fawr, Abergwaun) (Cyfyngu ar Aros) 1968(5) wedi eu dirymu.

Llofnodwyd o dan awdurdod Gweinidog yr Economi, Thrafnidiaeth a Gogledd Cymru, un o Weinidogion Cymru.

Dyddiedig

24 Tachwedd 2020

*Nicci Hunter*

Arweinydd y Tîm Busnes  
Llywodraeth Cymru

---

(3) O.S. 1965/1779.  
(4) O.S. 1967/1359.  
(5) O.S. 1968/253.

## **ATODLEN 1**

### **Gwahardd aros ar unrhyw adeg**

1. Y darn o ochr dde-orllewinol cefnffordd yr A487 o'r enw y Wesh sy'n ymestyn o bwynt 50 metr i'r de-ddwyrain o'i chyffordd â ffordd gyswllt yr A487 hyd at bwynt 72 o fetrau i'r de-ddwyrain o'r gyffordd honno ac y rhoddir y cyfeirnod A iddo ar y plan a adneuwyd.

2. Y darn o ochr dde-orllewinol cefnffordd yr A487 o'r enw y Wesh sy'n ymestyn o bwynt 106 o fetrau i'r de-ddwyrain o'i chyffordd â ffordd gyswllt yr A487 hyd at bwynt 125 o fetrau i'r de-ddwyrain o'r gyffordd honno ac y rhoddir y cyfeirnod B iddo ar y plan a adneuwyd.

3. Y darn o ochr ogledd-orllewinol cefnffordd yr A40 o'r enw Heol Fawr sy'n ymestyn o bwynt 26 o fetrau i'r de-orllewin o'i chyffordd â chefnffordd yr A487 o'r enw y Wesh a chefnffordd yr A487 o'r enw Ffordd y Cwm hyd at bwynt 41 o fetrau i'r de-orllewin o'r gyffordd honno ac y rhoddir y cyfeirnod C iddo ar y plan a adneuwyd.

4. Y darn o ochr ogledd-orllewinol cefnffordd yr A40 o'r enw Heol Fawr sy'n ymestyn o bwynt 103 o fetrau i'r de-orllewin o'i chyffordd â chefnffordd yr A487 o'r enw y Wesh a chefnffordd yr A487 o'r enw Ffordd y Cwm hyd at bwynt 129 o fetrau i'r de-orllewin o'r gyffordd honno ac y rhoddir y cyfeirnod D iddo ar y plan a adneuwyd.

## **ATODLEN 2**

### **Gwahardd aros, llwytho a dadlwytho ar unrhyw adeg**

1. Y darn o ochr ogledd-ddwyreiniol cefnffordd yr A487 o'r enw y Wesh sy'n ymestyn o bwynt 10 metr i'r gogledd-orllewin o'i chyffordd â ffordd gyswllt yr A487 hyd at ei chyffordd â chefnffordd yr A487 o'r enw Ffordd y Cwm ac y rhoddir y cyfeirnod 1 iddo ar y plan a adneuwyd.

2. Y darn o ochr dde-orllewinol cefnffordd yr A487 o'r enw y Wesh sy'n ymestyn o'i chyffordd â ffordd gyswllt yr A487 hyd at bwynt 10 metr i'r gogledd-orllewin o'r gyffordd honno ac y rhoddir y cyfeirnod 13 iddo ar y plan a adneuwyd.

3. Y darn o ochr dde-orllewinol cefnffordd yr A487 o'r enw y Wesh sy'n ymestyn o'i chyffordd â ffordd gyswllt yr A487 hyd at bwynt 50 metr i'r de-ddwyrain

o'r gyffordd honno ac y rhoddir y cyfeirnod 3 iddo ar y plan a adneuwyd.

4. Y darn o ochr dde-orllewinol cefnffordd yr A487 o'r enw y Wesh sy'n ymestyn o bwynt 72 o fetrau i'r de-ddwyrain o'i chyffordd â ffordd gyswllt yr A487 hyd at bwynt 106 o fetrau i'r de-ddwyrain o'r gyffordd honno ac y rhoddir y cyfeirnod 4 iddo ar y plan a adneuwyd.

5. Y darn o ochr orllewinol cefnffordd yr A487 o'r enw y Wesh sy'n ymestyn o bwynt 125 o fetrau i'r de-ddwyrain o'i chyffordd â ffordd gyswllt yr A487 hyd at ei chyffordd â chefnffordd yr A40 o'r enw Heol Fawr ac y rhoddir y cyfeirnod 11 iddo ar y plan a adneuwyd.

6. Y darn o ochr ogledd-orllewinol cefnffordd yr A487 o'r enw Ffordd y Cwm sy'n ymestyn o'i chyffordd â chefnffordd yr A487 o'r enw y Wesh hyd at bwynt 28 o fetrau i'r gogledd-ddwyrain o'r gyffordd honno ac y rhoddir y cyfeirnod 2 iddo ar y plan a adneuwyd.

7. Y darn o ochr dde-ddwyreiniol cefnffordd yr A487 o'r enw Ffordd y Cwm sy'n ymestyn o'i chyffordd â chefnffordd yr A40 o'r enw Heol Fawr hyd at bwynt 14 o fetrau i'r gogledd-ddwyrain o'r gyffordd honno ac y rhoddir y cyfeirnod 8 iddo ar y plan a adneuwyd.

8. Y darn o ochr dde-ddwyreiniol cefnffordd yr A487 o'r enw Ffordd y Cwm sy'n ymestyn o bwynt 27 o fetrau i'r gogledd-ddwyrain o'i chyffordd â chefnffordd yr A40 o'r enw Heol Fawr hyd at bwynt 28 o fetrau i'r gogledd-ddwyrain o'r gyffordd honno ac y rhoddir y cyfeirnod 9 iddo ar y plan a adneuwyd.

9. Y darn o ochr dde-ddwyreiniol cefnffordd yr A40 o'r enw Heol Fawr sy'n ymestyn o'i chyffordd â chefnffordd yr A487 o'r enw Ffordd y Cwm hyd at bwynt 20 metr i'r de-orllewin o'i chyffordd â ffordd gyswllt yr A487 ac y rhoddir y cyfeirnod 10 iddo ar y plan a adneuwyd.

10. Y darn o ochr ogledd-orllewinol cefnffordd yr A40 o'r enw Heol Fawr sy'n ymestyn o'i chyffordd â chefnffordd yr A487 o'r enw y Wesh hyd at bwynt 26 o fetrau i'r de-orllewin o'r gyffordd honno ac y rhoddir y cyfeirnod 5 iddo ar y plan a adneuwyd.

11. Y darn o ochr ogledd-orllewinol cefnffordd yr A40 o'r enw Heol Fawr sy'n ymestyn o bwynt 41 o fetrau i'r de-orllewin o'i chyffordd â chefnffordd yr A487 o'r enw y Wesh hyd at bwynt 103 o fetrau i'r de-orllewin

o'r gyffordd honno ac y rhoddir y cyfeirnod 6 iddo ar y plan a adnewwyd.

12. Y darn o ochr ogledd-orllewinol cefnffordd yr A40 o'r enw Heol Fawr sy'n ymestyn o bwynt 129 o fetrau i'r de-orllewin o'i chyffordd â chefnffordd yr A487 o'r enw y Wesh hyd at ei chyffordd â ffordd gyswllt yr A487 ac y rhoddir y cyfeirnod 7 iddo ar y plan a adnewwyd.

13. Y darn o ochr ogledd-orllewinol cefnffordd yr A40 o'r enw Heol Fawr sy'n ymestyn o'i chyffordd â ffordd gyswllt yr A487 hyd at bwynt 20 metr i'r de-orllewin o'r gyffordd honno ac y rhoddir y cyfeirnod 12 iddo ar y plan a adnewwyd.